

اوراق و مکیاب سرعبرنامه

کونده رله دی در .

اشتراک برلی :

برسنه لکی یوز ، آلتی آیلنی آلتش غروشد در .

پوسته اتحادینه داخل مملک انجینه ایچون نه لکی قرق فراقتدر .

ABONNEMENT

Union Postale: un an, 40, sixmoi, 25 Fr.

REDACTION: CONSTANTINOPLE, DJAGAL OGLOU

محررور : شمیر زاده نبله لی

امیر حمیدی

محل ادارمی :

جفال اوغلنده « حکمت » اداره خانه می در .

حقه مقرون ، اغراضدن سالم افکار و مقالاته محیفه لر من آجقددر .

« MUNAKACHE »

Journal ture, quotidien, politique et littéraire

REDACTEUR EN CHEF : A.HILMY CHEHBENDER

منافسه

حقه خادم یومی غزته در .

نسخه می ۱۰ پاره

نسخه می ۱۰ پاره

صوک خبرلر

عزیز و محترم ملتیز !

قدرت ایمان و حقه اطمینان نه اولدیفنی کوسته ره جک بر کونده ز . فلاکتی مردلر کی تلق ایدم ، تلاش و تحاشی کوسترمیم . وطن و ملتیز ایچون اولمکه حاضر اولام ، لکن عاجزلره یاقیشان حاللردن بوقی ایدم . قارداشلر من ! بوکون هر زماندن زیاده متانت و اخوت ، اتحاد و غیره محتاجز .

دون اقسام کیجه یاریسی آزانسلر شو مششوم خبرلری تبلیغ ایتدیلر .

طرابلس ، ۲۸ ایلول — ایتالیا دونائلمسی سواحل منک قارشوسنده در .

ایتالیانک اولتیا تومی

ایتالیا مصلحتگذاری طرفندن یکرمی درت ساعت طرفنده جوانی ویرلک شرطیه طرابلس غرب و بنغازی بی ایتالیا اشغال عسکری آلتنه آله جتی جهته عثمانی حکومتی طرفندن بو ایکی خطه نیک تخلیه می طلمنی حاوی بر اولتیا توم ویرلشدر . بو اولتیا تومده حکومت عثمانیه دن مقاومت ایدیله مسمی و عکس تقدیرده قوته مراجعت ایدیله جکی و اشغالک قرقاتی بده قرارلاشدریله جتی بیلدیرلشدر . اولتیا تومک ساعت تودیی زوالی ایکی بوچقددر .

هیئت وکلا

صدراعظم بو اولتیا تومی آلیر آلاز مابین هاپونه کیتمش و وکلای سائر ایله صدارت مستشاری ، اعیان و مبعوثان رئیس لرنی دعوت ایشدر . زوالی اوچدن سکزه قدر مذاکره ایدلش و بعد الطعام ینه مذاکره باشلامشدر . ایتالیا یله ویریله جک جواب مذاکره ایدیلیور .

ویریله جک جواب

آژانس اوتومانک استخبارینه کوره عثمانی حکومتی ایتالیا نیک حقون پرورلکنه و دول معظله نیک عدالتنه مراجعت و ایتالیا نیک منافع اقتصادی سنی نظردن دور طومایا جتی بیانه قرار ویرمشدر . اولتیا تومک جوانی ایتالیا مصلحتگذاری ویریله جک و قابل ایله روماسفر مرز بیلدیریله جکدر . هیئت وکلا مذاکره دوام ایدیور .

زیارت و محاربات

انکلتزه سفیری بحریه ناظرینی زیارت ایتدیکی کی خارجی قلم مخصوص مدیری آلمانیا سفارتخانه سنه اعزام ایدایش و دیگر سفارتلرله تطامی افکار ایدلشدر .

بو کونکی اتحاد اسلام : فلاکت آرقداشلی دیمکدر .

بعض ذوات ، کثلات اسلامیه دن بحث ایتدیکمز ، حسیات اسلامیه بر قوت حالتده کوردیکمز و یا خود کوردکر مزی سوله دیکمز ایچین بزی تخطئه ایدیور . حسیی بونلردن منقدین سیاسی بی مراد ایدیوروز ، یوقسه اسلامیت و حتی بو وطنله علاقیمی اولمایان اجیرلرک محمات بی قیمتی دکل .

لکن حق ، نه قابل اخفا ونده قابل امحا اولمادیفندن بزی تویسخ و تقییح ایدنلر بیله یکرمی دورت ساعت فاصله ایله اوچوز میلیونلک کتله دن ، حسیات اسلامیه دن بحث ایتک اضطرارنده قالدیلر . بو کونکی « اتحاد اسلام » قرون وسطی ده کی فکرلر عینی دکلدر ، بو کونکی اتحاد اسلام ، فلاکت آرقداشلی در ، فلاکتده مشترک اولانلرک یکدیگرینه قارشی بالضروره حس ایدم جکری اخوت وامل تعاوندن ، امید تعالی بی متضمن بر تسلیدن عبارتدر . بو کونکی اتحاد اسلام ، ظالم انسانلرک بیله مظلوملره جوق کورمه جکی برشی ، چونکه : بر « آئین » ، بر « حق حیات طلمی » در .

مسلمانلر یاشامق ایستور ؛ مسلمانلر ، بار حیالک عوض طبعیمی اولان سعادتدن مشروع بر حصه ایستور . ایسته بو کونکی اتحاد اسلام .

هیچ مظلومه صوص ، محقوره راضی اول ، محکومه کول ، سفله اغلاما دینلیری ؛ هیچ منکوبلر امیددن ، مأیوسلر فریاددن منع ایدیله بیلیری ؛ ایسته بو کونکی اتحاد اسلام . بو فکر ، بالکنز حق حیاتی طلبدن ، مقدس حقوق بشری طلبدن عبارت اولوب صوبالرله دنیایی فتح ایتک ، ادیان و انسانه تعرض ایله مک کی یالکنز اسلامیت دشمنی سفیل دماغلرک فرض وطن ایتدیکی طفلانه امللر دکلدر . « ژون تورک » مدیر سیاسی جلال نوری یک افندی برادر منک بر مقاله می ، مقدس امل منک بر صفحه می یک کوزل مصور اولدینی ایچین قارنلر منک انتظار استفاده سنه قویقی ایسته دک :

تشکیلاته قارشی تشکیلات

« زوالی ایتالیا » نه قدر مستملکه ایدنیک تشبته بولونوبورسه ، اوقدرده بدیختقلره طالعسلرلکله تصادف ایدیور ، چونکه اوروپالی اولمایان و مسلمان اولان عناصره قارشی قوللانه جنی جدیت اداره می یک اهمیتیز تلقی ایدیور . بونون عالم اسلام ، اوروپالیرک بر اتحاد و کفالت متسلله ایله اسلامیتک اسارت مطاقه انته کچسنه و صوک حکومت اسلامیه نیک اسباب سقوط واضه خلالتی استحضارلرینه قش ،

لا قید برانتظارده قلامز ؛ کندیلرینک ده بمقصده مقابل اتخاذ ایدم جکری فریضه اتحاد ایهه بویوک بر قوت اولاجقددر . وطنی و املاکی مصادره و ضبط ایدلش ، حیاتلری براسارت مؤبدیه محکوم ، ظلم و اعتساف التده ایلکین بومیلیونلره موجودیت کندی حسیات وجدانیه لرندن اقتباس نفوذ و قوت ایدم جکدر ؛ مستملکه صاحب لیرنک تضییقات جبارانه می ، اونلری ، مقاومت ، استعمال قوته ، نهایت عصیان مشروعه مجبور ایدم جکدر . مثلاً ، ایرانلیر ، روس و انگلیز استیلا سنه قارشی ، بزی اونلردن تفریق ایدن ، بونون اختلافات مذهبی بی همان اونودی ویرمشدر . اوروپا ایهه اسلاملره ایتدیکی تحیر و تحکمله اونلرک روح شریقلر ، روح و حیت اسلامیه لرنی تحریک و تسییح ایتمشدر .

مع التأسف که مدنی اوروپا اصول تمدن هوسنده دکلدر ؛ بالعکس حاکم بولندیفنی یرلی اقوامه نشر تمدن و اتباهدن قنا حالده قورقویور ... چونکه برکون ، بونلر کندی نکبت و ادبارلری احضار ایدم جکندن احتراز ایدیور .

اوروپا ، فکر و محافظه « حقوق » ی اوقدر جهد و غیرتله نشر و تعمیمه چالشدیفنی حالده کندی حوزه وجودی خارجنده ، مع التأسف بواساس قدسی بی ، ایاقلر آلتنه القدن چکینمیور . فرانسه نیک فکر استیلا سنه بیرواولان و احتمال که بویوک بریتانیا طرفندن تشجیع ایدیلان ایتالیا نیک بوجرانی اوداعای شیه سز عموه کافی بر سبب ظاهری در .

بوایشلرک ، بونخا و لزلک اوکنده بر هیئت مظلومه و مقدوره نه یامالی در ؟

شیه سز بومر حتمیز و اعتسافکارانه تعرضه قارشی موفق اولق ایچین حاضر لائمالیدر . بوعالم ، بوعالم اسلام ، آرتق عصر اخیرک بیلدیردیکی کی دکلدر ؛ فنون غربیه — اوروپالیرک استرقابنه رغماً — بونون تأثیراتی اویحیطه انفاذ ایدم بیلشدر ؛ اونلر ، اوروپانک افکارلری یک یاقیندن کورمش واکلامشدر . اوروپالیر یکدیگرینه اولان تصاحب مشترک لریله خیلی برلر آلدی ؛ فقط اسلاملره دینتاکل اجتماعده آوز و بالیرک کندیلرینک محب و خیر خواهی اولمادیفنی ایجه کلا دی . ایتالیا لیرک طرابلس غربده کی خدعه و تسویلاتی محضه شرقده ، افریقا ده ، آسیاده بویوک بر تأثیر حصوله کتیرم جکدر . بو حادثات تعرضه چیرینان قبلر بوندن صوکر ا قولای قولای استیلا یه مساعدده ایتیه جکدر

احتمال بر دور جدیدک ابتداسنده بولونیوروز ، احتمال بو مستملکه اصولی ، بوسلطت اقتصادی دوام ایدر ؛ فقط اوروپا خارجنده کی محیط ، بو حقیقت بونودورونی انته کیرمکدن چکینه جکدر .

یکرمنجی عصرک افکار نخبیه صلح پرورانه می ، افکار اجتماعیه نیک تأثیرات مشفقیه می سایه سنده صاحب مساج ، بوسلطت لک قریلیدیفنی ، دوکولدیکنی کوره جک ؛ یکرمنجی عصر شودقیقه ده حل فعالیتده بولونان بو احتراساتک محو عمو میسنه ده کوره جکدر . استقبال ملنلرکدر واونلره عائددر . اوله ایهه : اوت اوله ایهه بومحیط بشر اوقاخلری ، اوقاضلری اوحریرص جدالجولری ارا لردن دفع ایدم جک .. طرد ایدم جک و بونون بونلر عالم اسلامی نمون ایدم جکدر .

اسلامیت و توریکی ، اوروپا پیشوالیرنک ایتالیا نیک تسویلاتی علینده ایتدیکری اعتراض شدید قارشی فوق العاده متتدر قالا جقیدر . مختلف تشکیلات اجتماعیه لر بیللمی درلرک ، اسلامیت بر دین و بر اعتقاد دکلدر . او ، بشرینک ایتیده برستی قوجاقلایان بر « رابطه اجتماعیه » در . تورک ، بربر ، عرب ، اسلاو ، ایران ، موغول ، هند ، چین الخ بونون بونلر سایه اسلامیتده اجتماعاً یکدیگرینه مربوط بر هیئت متحده در . بناء علیه ، ذی نفوذ و پیشوا حکومت معظله ایچون اسلامیت بر خیزنه دن عبارتدر .

فقط بومحیط متقدمیه بویوشوایان غربیه بوموضوعه می لایق اولدیفنی درجه ده تفسیر و ابضاح ایتک بورجددر . بوایکی محیطی ظلمه و اعتسافه قارشی جهادلرنده ، سلطنت لرنده ، تسلیحاتنده یکدیگرینه قریب ایچون متغیبلره ، پیشدارلره اسلامیت حقدده اسباع حقیقت ایچون یکی بر اثرله ایفای وظیفه ایدم جکدر .

یاشای قدس امل یاشا ! یاشای روح امید یاشا ! بزم جائز سنسک ، بزم جائز سنسک ، بزم ایمانز سنسک ، ای قارا کونلر منک نور تسلیسی ، ای بزم هاتف « واعتصموا ... نیک ابدی تجلیسی ، ای اتحاد ! یوزبیک یاشا !

شهبندرزاده قله لی

احمد حمیدی

شون مجله

اعیان و مبعوثانک اجتماعی

و مصیب برقرار

دون در سعادتده بولسان مبعوثان مجلس

مبعوثان هیئت عمو میسه صالونه اجتماع

ایشلر در .

ساعت الافراقه بر بچقده مذاکره ایتدار

ایدلش و بر مدت احوال حاضرده حقدده

مذاکرات جریاندن صکره قره می مبعوثی

مجدی اقدی احوال حاضرده نیک و باخصوص

طرابلس غرب مسائلتک و خامشندن دور

ودراز بحث ایدرک مجلسک بهمه حال تشرین

اول ابتداسنده اجتماعی لزومنی درمیان

ایشلدر . مبعوثلردن بعضاری مجلسک وقتندن

اول اجتماعنده بر فائده مأمول اولمادیفنی بیان

ایشلر ایهه دره مبعوثی اسماعیل حق پاشانک مجلسک بر آن اول اجتماعی حقدده کی بیانانلری عموماً تصویب ایدلش و قسطنطونی مبعوثی اسماعیل ماهر اقدینک (طوبیانه لم) لکن بر مرزله مجادله ایتک اوزره دکل وطنه خدمت ایتک اوزره هان یارین طوبیانه لم) بولندکی افاداتی حاضرین طرفندن عموماً تصویب ایدلشدر .

مجلس اعیان دائره سنده اعیاندن یکرمی یدی ذات بولنقددر ایدی ایهه مبعوثانک مذاکره اتلرینه ، بویا بده حائر صلاحیت اولد .

قارندن بختله ، اشتراک ایتامشلردر . مالیه ناظری نائل یک حال اجتماعده بولونان

مبعوثان کرامه قایینه نیک دخی مجلسک بر آن

اول کشادنی ارزو ایدلکینی ورئیس احمد

رضا بکک طشرده بولونان سکسکی متجاوز

مبعوثلردن اجتماعک تشرینه دائر تا تفر ایتاملر

وارد اولدیفنی بیان ایلری اوزرینه حاضر

بولونان مبعوثان کرام عموماً مجلسک بر آن

اول کشادنی فرمان بیورمی خصوصنک

ذات حضرت پادشاهیدن رئیس احمد رضا

یک واسطه سیله استرحاضه قرار ویرمشلردر .

ساعت اوج بچقده احمد رضا یک سرای

هایونه عزیمت ایتشدر . احمد رضا بکک

سرایه عزیمتی متعاقب مبعوثاندن بعضاری

طاغیل مشلر آیهه اکثرت رضا بکک

مراجعندن حاصل اوله جتی نتیجه بی اکلامق

اوزره انتظار ایشلر وذات پادشاهینک

مجلسک تشرین اول ابتداسنده اجتماعه

مساعدده بیور دقلری اکلاشله می اوزرینه

طاغیل مشلردر .

ایتالیانک ایکنجی نوطه می

ایتالیا سفارتی مصلحتگذاری دون باب

عالیده صدر اعظم پاشای زیارت ایله طرابلس

مسئله می حقدده خیلی مدت ملاقات ایتش

و مسئله مذکوره حقدده حکومت متبوعه .

سندن اخذ ایدلکی ایکنجی نوطه می صدر مشار

الیه تودیع ایشدر نوطه مالی اولکندن ،

دها شدتلی ایتش . بوننده دولت عثمانیه نیک

اشبو حادثه نیک وساطت دیلوماسیه ایله حای ارزو

ایدلکی تقدیرده خطه مذکوره به سکر و مهمات

حریه سوقندن سر بعاصر قنطر ایدلسی تکلیف

ایدلمکده ایتش . صدر اعظم پاشا مذکور

نوطه می اخذ ایدر ایتز سرای هایونه عزیمتله

بالعموم وکلای سرایه دعوت ایش و سرای

هایونده مجلس وکلا انعقاد ایتشدر . مجلسه

اعیان رئیس سعید پاشا دخی جلب ایدلش

و کیچ وقته قدر دوام ایدن مذاکره

نتیجه سندن معلومات اخذی ممکن اوله مامشدر .

طرابلس غرب حوادثلری

طرابلس غرب ۲۷ ایلول — ایتالیا باقمه می

مدیریتی طرفندن وقوع بولان دعوت

اوزرینه شهر مرزده مقیم بر جوق ایتالیا نلر

مذکور باقمه نیک تحت تصرفده بولان کی به

کیدرک کیجه می اوراده کیرمشلردر .

سائر اجنبی از اسبند و ده آثار هیجان ظهور اجتناب اولدیفند بر جوق عالمی که فراده مساعرتی ایتالیا حکومتی طرابلس سورینه سفان حریبه سوخته اجبار ایتشد. مع هذا بو کون بر سکونت کامله حکمفرما اولوب خوف و هیجان بر درجه به قدر زائل اولشد.

طرابلس غربیده کی ترک ایله عربلرک اوضاع و حرکتی شایان تقدیر و امثالدر. دون صدر اعظمک، خلقی محافظه اعتدال سکونه دعوت ایدن بیاننامه سی علناً قرائت اولونمشدر.

طرابلس غرب سورلنده ایتالیا

واپورلری

لوند ۲۷ - مالمه دن روتر آفراف آزانسه واقع اولان اشعاره نظراً عسکر و مهمات حریبه سی - مل اولان ایتالیاسفانی طرابلس لیانک یکر می میل بحری آجیق لند لیکر انداز اولمشدر. دوران ایدن خبرلره نظراً طرابلس غربیده مقیم ایتالیانلر آره سنده بویوک بر خوف و هراس حکمفرما در. ایتالیانک قریه عسکر چقار جفی زمان طرابلسه مقیم اوروپالیره قارشو مدھش بر قتال اجرا سندن قورقیلور.

ایتالیا واپورلری

روما ۲۷ - روسیه ورومانیا سورلنده بولونان بالجله ایتالیا واپورلرینه ایتالیایه عودت ایتلری امر اولونمشدر.

سفان حریبه

مالطه ۲۷ - طرابلس غربیه متوجھاً حرکت ایدن ایکی ایتالیان زرهلیسی ایله درت طوریدو جکری بوران کچمشدر.

موسو یتونی نک

رفت پاشایه جوانی

پارس ۲۷ - ایتالیانک پارس سفیری وسابق خارجیہ نظری موسو یتونی دولت علیه نک پارس سفیری رفت پاشانک ماتن غزیه سی محررلندن برینه واقع اولان بیاناته جواب اولق اوزره تان غزیه سی محررلندن برینه افادات آیه ده بولمشدر.

«تورک مأمورلری ایتالیانک طرابلس غربیده فعالیت و اجرا آت اقتصادیه سینه مانع اولق ایچون هر دولتیادیرک اتحادندن خالی قلمادیلر. استانبولدن ویرلن تأمینات قویه ره رغماً حال طرابلس غربیده مقیم ایتالیانلره قارشو ظلم و عداوت دوام ایتکده در. ایشته بوندن دولتی درکه ایتالیا حکومتی منافعه رعایت ایتدیرمک ایچون هر درلو تدابیری اتحادیه لزوم حس ایتشد.

موسو یتونی نک توصیه سی

پارس ۲۷ - ایتالیانک پارس سفیری وسابق خارجیہ نظری موسو یتونی جمعه ایرتسی کونی قطعاً امضایمسی مقرر اولان فرانسه - المانیا ائتلاف مقوله نامه سنک حین امضاسنه قدر هر درلو نمایشدن صرف نظر ایدلمسی حکومت متبوعه سندن طلب ایتشد.

ایتالیانلرک عزیمتی

طرابلس ۲۷ - بوراده مقیم ایتالیانلرک قسم اعظمی ایتالیا واپورلری ایله مجانسیرا کوزایه نقل ایدلمشدر. ایتالیا سفان حریبه سی طرابلس سورلنده مشاهده ایدلمشدر.

ایتالیا ردیفلری

طوبایلور

روما ۲۷ - استفانی تلغراف آزانسی بویوک شهرلده ۸۸۸ ردیفلری سلاح آلتیه دعوت ایدیلدیکنی بیلدیریور.

ردیفلر دعوت واقعه کال مسرت و خوشبو دیتله اجابت ایتکده ایتشد.

ایتالیانک شهر مزدکی ردیفلری ایتالیاده ۱۸۸۸ و ۸۹ تولدیلری تحت سلاحه دعوت اولدقلندن شهر مزده مقیم ایتالیانلر میاننده بولان ۱۸۸۸ و ۸۹ تولدیلری ده مملکتلرینه کتیمک اوزره ایتالیا قونسو - سخانه سندن اوامر مخصوصه تلقی ایتشد.

ایتالیانک تعمیاتی. جدالجولو اماراتی ممالک عثمانیه ده ایتالیانلر علیه ده واقع اوله جق الکاهیتسز بر حادته نک بیله روما حکومته اشعاری ایتالیا خارجیہ نظارتندن تعمیاتی تورکیاده بولان بون ایتالیا قونسو - سخانه لینه امر و تبلیغ ایدلمشدر. بونک اوزرینه ایتالیا سفارتی کینلده تپه باشنده واقع اولان حادته حقدنه ایتالیا خارجیہ نظارتنه مفصل بر راپور کوندرمشدر. مآذون بولان تورکیاده کی ایتالیا قونسو - سارینک ده همان محل مأمورلر یتلرینه عودت لری لزومی حکومت متبوعه لردن کیندیلرینه بیلدیرلمشدر.

سوسیالیستلرک نمایشی

میلان ۲۷ - ایتالیانک طرابلس غرب حقدنه تعقیب ایتکده اولدینی خط حرکتیه اعتراضاً سوسیالیستلر بویوک بویوک کلیسا حولیسند شدتی نمایشلر اجرا ایتشد.

ایتالیانچون اجرا آت

تثبت ایتش ؟

ویانه ۲۷ - پولتیه قورده سوندنسک ادعاسنه نظراً ایتالیا حکومتی دول سائرته نک بحرسقید سواخلنده توسیع ملک دعواسنده بولوناجقارینی استدلال ایدلرک طرابلس غربیده کی منافع اقتصادیه سنی تأمین ایچون اجرا آت و حرکتیه مباشرته مجبور اولمشدر. فرانسه حکومتک بحرسقید سواخلنده توسیع ملک تشبثانده بولونماسنه مقابل ایتالیاده اوندن کندی منافعی محافظه سی استعجال ایتشد.

دوقده زابروز

وندیک ۲۷ - دوقده زابروز دونمیه التحاق ایتک اوزره وندیکدن بریندیزی به عزیمت ایتشد.

ایتالیاده تعطیل اشغال

روما - اتحاد سندیه سیله سوسیالیست فرقه سی ایتالیانک طرابلس غرب حقدنه تعقیب ایتکده اولدینی مسلکده اعتراضاً یکر می دورت ساعت قدر عمومی بر تعطیل اشغال اعلانیه قرار ویرمشلر ایه ده بالاخره بوقرار اجرا اولونامشدر.

عسکری مخبرلر

برلین ۲۷ - طرابلس غربیدن و تواف تلغراف آزانسه واقع اولان اشعارده بر جوق ایتالیا عسکری مخبرلرینک طرابلس عربیه مواصلت ایتدیکری بیلدیریور.

ایتالیا زرهلیلری اوزاقدن مشاهده اولمقده ایتش.

اودسا قونسولوسی

پترسبورغ ۲۷ - اودسان و ارداولان خبرلره نظراً ایتالیا قونسولوسنه ایتالیایه ممتنی عزیمت اولان واپورلرک اشعار اخیره قدر توقف ایتلری امری ویرلمشدر.

تورکیا - ایتالیا مناسباتی

لوند ۲۷ - روتر تلغراف آزانسی اجنبی محافل سیاسیه سندن آیده کی معلوماتی استحصا ایتشد.

«بو کون اوکله به قدر تورکیا - ایتالیا مناسباتی حقدنه هیچ بر خبر وارد اولامشدر. دوران ایدن شایعه لره نظراً ایتالیا حکومتی تورکیه ایله آیری آیری مسئله لره حلیله اکتفا ایتیبوب طرابلس

غربیده قطعی بر اجرا آتده بولونه جقدر. زیرا بویلده کوزیلن استحضارات کاملاً ختام بولمشدر ظن ایدیلدیکنه کورده دول اجنبیه کرک تورکیا و کرک ایتالیا حکومتلرینه بحاربه ظهورند. قطعاً بی طرفی اعلان ایده جکلری بیان ایتشد.

ایتالیا مطبوعاتی

پارس ۲۷ - ایتالیا مطبوعاتی آرتق هیجان آمیز مقالات و حوادثک نشریدن صرف نظر ایدوب اغدالکارانه بر مسلک تعقیب ایدیورلر. بر جوق غزیه لر تورکیانک، ایتالیا مطالباتی سهلته قبول ایده جکنی امید ایدیورلر. ایتالیا حکومتک طرابلسده امتیازات اقتصادیه طلبندن مقصدی بحرسقیده دول سائرته نک اجرا آت قارشو کندی منافعی محافظه به معطوفدر.

روما ۲۷ - ایتالیا مطبوعاتی المانیانک خط حرکتیه شدله تقید ایدلرک حکومته شرقده کی وقار و حیثیتی محافظه ایتیه سی و طرابلسده برلشملک ایچون بوفرضی قاجرماسنی توصیه ایدیور.

(عثمانی)

طرابلسده مقیم انکیزلر

لوند ۲۷ - مالمه دن روتر آزانسه آتیده کی تلغراف کشیده ایدلمشدر. طرابلس غربیده لیکر انداز اولان ایتالیا سفانی ایتالیانلردن ماعدا هیچ کیمه سی قبول ایتیه مکده اولدقلندن دولتی شهرده مقیم انکیزلر مالطه والیسنه بر تلغراف چکدرک امداد طلب ایتشد.

بعض خصوصی تلغراف سامه لره انکیزلر آراسنده شدتی براندیشه موجود اولدینی واولرینه انکیزلر بایراقلری چکدیکری بیلدیریور.

درنه واپوری

روما ۲۷ - طرابلسدن آزانس استفانی به واقع اولان اشعاره نظراً درنه واپوری طرابلس غرب لیانته مواصلت ایتشد. مذکور واپورک ضبط و مصادره سی حقدنه ایتالیا واپورلره بر امر ویرلمشدی.

تورکیا و دول اجنبیه

برلین ۲۷ - آلمانیا حکومتی طرابلس غرب مسئله سنده تورکیا و ایتالیا حکومتلرینک نقطه نظرلری بکدی بکریته یا قلاشدر مقعه غیرت ایدر ایکن دیکر طرفدن فرانسه و انگلتره حکومتلری مسئله نی غایت باردانه تلقی ایلله بی طرفی اعلانندن صرف نظر ایتیه بورلر.

بونک سببی ایه فرانسه نک کرک مصرده و کرک طرابلسده عثمانی اراضیسنک اشغاله اعتراض ایتیه مک و عذیلله فاسده کی سربستینی ساتون آلتش اولمیشدر.

ائتلافه طوغری

برلین ۲۷ - برلیندن قولتیه جایتوفه وقوع بولان اشعاره نظراً کرک عثمانی کرک ایتالیا قایتلری مسئله نک ائتلافکارانه بر صورتده حله صرف مساعی ایتکده دزلر. ایتالیا حکومتی طرابلسده مقیم ایتالیانلره قارشی بر تجاوز و قوغنی منع ایچون حکومت عثمانیه نک هر درلو تدابیری اتحاد ایده جکندن امیندر.

ویانه ۲۷ - بعض غزیه لره بیاناته نظراً محافل سیاسیه ده طرابلس غرب مسئله سنک ائتلافکارانه بر صورتده حل ایدیلدیکنه قناعت کامله حاصل اولمشدر.

ایتالیا سفیری

روما ۲۷ - ایتالیانک در سعادت سفیر جدیدی مارکی دو غارینونک محل مأموریت جدیدسینه عزیمتی آفرنجی تشرین اولک آلتیه قدر تأخر ایتشد.

ایتالیا سفیرینک ترجمه حالی [بارون «مایور ده بلانش» خلف اولان مجلس اعیان اعضا سندن مارکی «امیلو غارونی»، ۱۸۵۲ سنه سی کانون ثانیسنک یکر می ایکنجی کونی جنوده اصلیل بر عالمه دن دوغمش و مارکی عنوانی پدردن توارث ایتشدر. ۱۸۷۳ جزیرانده یکر می بر یاشنده، مسلک اداره به داخل اولارق، ۱۸۹۳ ده «آکیلا» ایالتی رئیسکنه تعیین ایدلشدی. متعاقباً اسکندریه ده، مرسینده، وطنی اولان جنوده مأموراً بولوندی و ۱۸۹۷ ده تکراراً جنوه والیکنه تعیین اولوندی.

مجلس اعیانه تعیینی، ۱۹۰۵ مارتنک دردنجی کونیدر. بولونینی مختلف و پارلاق مأموریتلرده، قانیا، بولونیا و نابولی قومیسر لکلرینده مهارت و ذکاسنی، لیاقتی اظهار ایللمشدر. بالخاصه جنوه والیکنده ایکن بر دیپلوماته مخصوص زنده لکی، فراسقی و نفوذ نظری کوسترمش اولدیفندن حال حاضرده اهمیت درکار اولان استانبول سفارتنه الیق عد ایدلشدر.

سوسیالیست غزیه لری مارکی غارونی به یک جوق هجوملرده بولونمشلر سده مومی ایلله هیچ متأثر اولامشدر.]

آلمانیا نک روماسفیری

برلین ۲۷ - آلمانیا نک روماسفیری «ژانغوف» جنابلری محل مأموریتنه متوجهاً حرکت ایتشد.

ایتالیا و قره طاغ

ویانه ۲۷ - بر جوق غزیه لری ایتالیا و قره طاغ حکومتلری آره سنده خفی بر مقاوله عقد ایدلش اولدینی یازیورلر سده بو حوات چتینه دن تکذیب ایدللمکده در.

انکلتزه نک بیاناتی

روما ۲۷ - انکلتزه حکومتی طرابلس غرب مسئله سنک تورکیا و ایتالیا حکومتلرینه عالمه بر مسئله اولدینی ایتالیا خارجیہ نظارتنه رسماً بیلدیرمشدر.

انکلتزه نک وضعیتی

میلان ۲۷ - قوریه دالاسارا غزیه سنک برلین مخبرینک اخبارانسه نظراً انکلتزه خارجیہ نظری طرابلس غرب مسئله سنک تورکیا و ایتالیا حکومتلرینه عالمه بر مسئله اولدینی بیان ایتشد.

انکلتزه افکار عمومی سی

لوند ۲۷ - دبلی تلغراف غزیه سی طرابلس غرب مسئله سنده آریازمش اولدینی بر مقاله ده بیانات آیه ده بولونیور. انکلتزه حکومتک ایتالیایه قارشی قطعی بر بی طرفی اعلان ایتیمی شایان تشکر در. تورکیا ایلله انکلتزه آراسنده جایگیر اولان مناسبات دوستانه صولک زمانلرده حس اولونورددر جده دوچار تزلزل اولدینی ایچین انکلتزه افریقای شالیده کاش عثمانی اراضیسنک ضیاعی کیفیتیه مداخله و ممانعت ایتک ایتیه بور.

ایتالیانک طرابلس غربی اشغال ایتسله فرانسه نک فاسی تحت حمایه سی آلمسی جهتلری انکلتزه ایچون عین قیمت و ماهیت سیاسیه بی حائر در. مع هذا امید ایدر که خارجیہ نظری سیر ادوارد غره ی ایتالیایی قواعد و قوانین بین الملله رعایتیه دعوت ایتک خصوص. سنده بردقیقه بیلله تردد ایتیه جکدر.

سیر ادوارد غروی

لوند ۲۷ - خارجیہ نظری سیر ادوارد غره ی طرابلس غرب مسئله سیله اشتغال ایتک ایچون صیفیه سندن لوندریه عودت ایتشد. (عثمانیشلر لویید)

اوستریا مطبوعاتی

ویانه ۲۷ - غزیه لری طرابلس غرب مسئله - سنک دیپلوماتی طریقیله حل ایدیلدیکنی فکرینده درلر. «اکسترا بلات» غزیه سی دیورکه : «اوستریا حکومتی متقی بولونان ایتالیایه قارشو وظیفه سی صادقانه بر صورتده ایفا ایدر ایه ده ترکیه نک دوچار ضعف اولماسنده هیچ بر منفعتی یوقدر»

آلمان مطبوعاتی

برلین ۲۷ (کچکشمدر) ایتالیا مطبوعاتی المانیانک خط حرکتک ایتالیا منافعه توافقی ایتدیکنی بیانه حرکت مذکورینی شایان تنقید و تأسف عد ایدیور. آلمان مطبوعاتی ایه سی بونی شدله رد ایدرک الجزیره قونفر. سنک خاطرانی ایتالیایی طرابلس غرب حقدنه کی مطالباتندن و ازگیرمه لدر دیور «لوقال انچایکنز» ک بیاسنه نظراً طرفینی صلح و سکونه دعوت ایچون صورت غیر رسمیه ده تدابیر سیاسیه اتخاذ ایدلمشدر.

بوتوسط حد ذاتنده الزمدر. زیرا بتون اوروپا دوللری بو مسئله ایلله علاقه دار اولوب اقتصادیانم متعلق بر حادته نک حرنی انتاج ایتیه راضی دکدرلر.

مع هذا طرفین شدیه به قدر حربه لزوم کوستره جک هیچ بر اجرا آت و حرکتده بولنمشدر. ایتالیانک طرابلس حقدنه کی آرزو و مطالباتی در سعادت سفیر جدیدی مارکی دو غارینونک محل مأموریتنه عزیمتده صورکارا تبیین ایده جکدر. ایتالیا حکومتک طرابلس غرب سورلنده بحری نمایشلر اجرا ایتیه ده مسئله به بر ماهیت سیاسیه ویرمک مقصدندن عبارتدر.

مع هذا اختلاف هر فصل بر شکل آبرسه آلتین حرب ظهوری غیر محتمل عد ایدیلیور. کرک تورکیا کرک ایتالیا صلح و مسالمت طرفداری اولوب مسئله نک ائتلافکارانه بر صورتده حل ایچون هر درلو وسائط و وسائله مراجعت ایده جکلر در. اوروپا حکومتلری آرتق شرق مسئله سیله الی الابد اوغرا شمع ایتیه میورلر.

ممانعت واعتدال

داخلیه نظارتی طرفندن ولایته بر تمعیم کوندیلرک تورکیا - ایتالیا مناسبات سید سیسی منقطع اولدیفندن ایتالیانلره قارشو خصمانه هیچ بر حرکتک تجویز اولنماسی واهالینک اعتدال و سکونت کوسترمی لزومی کال اهمیتیه توصیه و اخطار ایدلدیکنی روجه غزیه لری یازیور. عثمانلرجه بویوک صولک درجه بر اعتدال دم و وقار ابرازی و حکومت مسئله نک نتیجه تشبثانته انتظار اولمی بو زمانده الک معقول واک سیاسیه بر تدبیر اولدینی شبهه سزدر. بناء علیه جمعی عثمانلرک محافظه اعتدال و ممانعت ایتلری بزه بالخاصه توصیه ایدرز. ایچیننده عثمانی جمعی بتون معناسیله اظهار و ارائه ایدیلله جکدر. شمدیلک صبر و ممانعت و وقار لازم.

اعتدال و سکونه دعوت

طرابلس غرب مبعوثلری دون، بو ولایت اهالیسنه بر تلغرافنامه کشیده ایده رک، حکومت عثمانیه نک وظیفه سی حقیقه ایفا ایتکده اولدینی بیان و هر دورلو خوف و هراسک بر طرف ایدیلوب سکونت و تدبیر دائره سنده حرکت ایدیللمسی توصیه ایلله مشدر در.

ضابطه نک تدابیری

ایتالیانلره قارشی بر حادته وقوع بولماقی ایچون ضابطه نک کال دقت و اعتنا ایلله حرکت ایتیمی لزومی داخلیه نظارتین امنیت عمومی مدبریتله یک اوغلی مرکز مأموریتنه اهمیتیه اخطار ایدلمشدر.